

立杜賣契人三塊厝庄劉讚樹，有承父明買山埔一段，坐落土名三塊厝山腳。東至坑爲界；西至賴宅爲界；南至山頂爲界；北至賴宅爲界，內帶竹木，四至明白爲界。今因乏銀別創，先問房親叔兄弟姪不受，外托中引就送賣與賴參前來承買，三面言定時出價銀貳拾貳大員正。其銀即日全中交訖，其山埔、竹木隨即踏付銀主前去掌管耕作，永爲己業。一賣千休，日後子孫不敢生端反悔。此山埔的係劉讚樹承父明買，與叔姪兄弟無干，並無重典他人財物不明。如有不明，係樹一力抵當，不干銀主之事。此係二比甘愿，各無抑勒。恐口無憑，立杜賣契一紙，並上手繳連，共二紙，付執存炤。

即日收過契內銀貳拾貳大員正完足。再炤。

代書人劉文興（花押）

知見人劉會定（花押）

在見母親黃氏（花押）

爲中人劉會友（花押）

立杜賣契人劉讚樹（花押）

乾隆四十六年十一月 日

契後批明：西南勢竹腳抽出風一穴。批明。再炤。

